



Hernani Kirol Elkarteak, 23 urte

Hernani Kirol Elkarteak 1987an sortu zen, hain zuzen 1987ko ekainaren 15a izan zen Eusko Jauriaritzak Elkartearen erregistroan onartu zuen data, 1.149 zenbakiarekin.

Hernaniko Kiroldegia ireki zenetik bertan kirol ezberdinak martxan jarri ziren. Kirol edo klubaren elkartasuna beharrezkoa zela ikusirik, denak bateratzea izan zen ideia, horrela lan administratiboak erraztuta eta bateratuta babes gehiago lortzeko.

80. hamarkada aurreratua zen, Elorribi Igeriketa Taldea, Hernani Gimnasia Elkarteak, Karate Elkarteak, Saskibaloia eta Hernani Boleibol Taldea bildu zirenean eta erabaki zutenean klub bat osatzea, elkarriketa ugari izan ziren eta lehen proposamena izan zen kiroldegian kirol ezberdinak egiten zituzten guztiak klub baten izenean biltzea, denek onartu zuten eskubaloikoek izan ezik.

Hamarkada berean bilerak izan ziren hiriko kirol guztiak klub baten izenpean

antolatzeko, baina helburua ez zen lortu, azken finean klub batzuen egoerak (C.D.Hernani, Hernani Rugby Taldea) ez zuen zerikusirik besteen egoerarekin, eta urteak pasa arren, gaur egun ere egoera oso ezberdina da.

Kluba osatzerakoan lehen erabakiak hartu behar ziren, armarrak, koloreak, bulegoak e.a., ilusio handiarekin gaur egun dagoen armarrak adostu zen, olimpiar antortza barruan bost uztaiak, azken finean kluba osatzen zuten kirolak olimpiakoak baitziren. Klubak aurrerantzean erabiliko zituen koloreak ere segidan erabaki ziren, arrosa, urdina eta txuria, arrosa eta urdina kluba neskek eta mutilak osatuko zutelako eta txuri garbia, klubeko kirol proposamenaren helburu bezala.

Klubaren sorreratik beti mantendu diren ideiak izan dira: bata Hernaniko gazteei kirol ezberdinak egiteko aukera ematea eta bigarrena, nahi izan duten guztientzako ateak irekiak izatea, bai pertsonalki, bai talde modura. Azken ideia honen ondorioz, urteak

pasa ahala kirol batzuen klubetik ateratzen dira (Karate, Mahai Tenisa) eta beste batzuen klubean sartu (Judoa, Waterpolo), azken finean kirola egitea baita helburua.

Hernani Kirol Elkarteak 23 urte hauetan milaka neska-mutilek izan dute aukera kirola egiteko, batzuen jolas modura eta beste batzuen kompetizio modura, baina denek ateak irekiak izan dituzte eta gaur egun irekiak dituzte. Kluba beti prest egon da hiriko ikastolekin lan egiteko eta horrela egin du azken urteetan, elkarlaneko hitzarmenak sinatu ondoren.

Antolakuntza arloan, hasiera zaila izan zen eta zer esanik ez kluba mantentzea, beti ere kontuan izanik zuzendariak bere denbora eta ilusioa erabiliz elkarteak aurrera ateratzea lortu dutela urte hauetan, eta hori ordaintzeko ez dago dirurik.

Hernani Kirol Elkarteak lotura handia du Hernaniko Udal Kirol Patronatuarekin, beti ere kontuan izanik Kiroldegia dela bere lana burutzeko esparrua, eta horrek arazo asko sortu ditu urte hauetan, eta une batzuetan arazoak oso larriak izan dira. Gogoan dugu 2003. urtean kluba desagertzeko zorian egon zela, Hernaniko Udal Kirol Patronatuaren lehendakariaren jokaera zela eta. Lehendakari aldaketak egoera lasaitu eta lanean jarraitzea erabaki zen, hala ere zauria handia izan zen, larriena Mahai Tenisa desagertzea, zuzendaritzako batzordeko kide batzuen desagertzea e.a. Zazpi urte beranduago oraindik ondorioak nabarmenak direla esan behar.

Urte hauetan Hernaniko neska-mutilek eman dute bere hoberena eta lortu dituzten txapelketak, maila igoerak eta dominak maila guztietan eta kirol

Hernani Boleibol taldea.



ezberdinetan ikusita, amets goxoe-
nean ere ikus zitekeena baino gehia-
go lortu dutela esan behar, zenbae-
zinak dira txapelketak, taldeka, edo
dominak, banaka, Gipuzkoa, Euska-
di edo estatu mailan.

1987an inork ez zuen pentsatzen urte
hauetan, Europako txapelkunak, es-
tatuko txapelkunak edo goi mailako
kirolariak gure Hernani Kirol Elkartetik
aterako zirenik, baina hori lortu dute
Hernaniar neska-mutilek, eta emaitza-
ren atzean lan izugarria dago kirolari,
entrenatzaile eta klubaren aldetik.

Urte hauetan ere izan da denbora
herrian Txapelketak eta ikuskizunak
antolatzeko, denon ezagunak diren
Gabonetako Igeriketa, Saskibalo, i
Boleibol txapelketak edo San Joa-
netan antolatu izan diren Judo eta
Mahai-Tenis txapelketak. Atal hone-
tan gogoratu behar 1994an Lehen
Gabonetako Boleibol Txapelketa
antolatu zela, bertan Euskadi, Espai-
nia eta Alemaniako junior selekzioek
parte hartu zuten. Lehen txapelketan
emakumeek parte hartu zuten eta
bertan hernaniarrak izan ziren Euska-
diko Selekzioarekin, besteak beste,
Oihana Iruetagoiena, Karmele La-
rraza edo Esther Lopez. 1995, 96 eta
97 urteetan ere antolatu zen txapel-
keta eta urte hauetan Hernaniko ki-
roldegian, Portugal, Belgika, Frantzia
eta Espainiako selekzioak izan ziren
Euskadiren aurkariak, orduan ez zi-
tzaion behar adina garrantzi eman eta
gaur egun oso zaila da maila horre-
tako taldeak biltzea Euskadiren aurka
jokatzeko.

Tamalez, urte hauetan une gaziak ere
izan dira, bereziki gogoan ditugu kirola-
riak bidean geratu direnean, Oscar
Ovejerok (Boleibol jokalaria) partidu
batetik Hernanira zetorrela bidean gal-
du zuen bizitza eta hori gogoan dugu;
era berean gogoan dugu klubarekin
lotura zuten guraso edo laguntzaile
batzuk ere bidean geratu direla, baina
beraien esker gaude gaur hemen.

25. urtebetetzea gertu dugu eta gu-
retzako oparirik egokiena udalarekin
hitzarmen bat sinatzea izan daiteke,
kontuan izanik pasa diren 23 urte
hauetan ezin izan dugula helburu hori
lortu Udal Kirol Patronatuarekin. ■



Hernani Saskibalo taldea.



Hernani Igeriketa taldea (1997-1998).

